

Baki Unit Langganan AS1M Untuk Pelabur Bumiputera Kurang Daripada RM1 Bilion
Bernama
28 Mac, 2014

KUALA LUMPUR, 28 Mac (Bernama) -- Unit langganan untuk pelabur Bumiputera bagi Amanah Saham 1Malaysia (AS1M) kini berbaki kurang daripada RM1 bilion, kata Permodalan Nasional Bhd (PNB).

Presiden dan Ketua Pegawai Eksekutif PNB Tan Sri Hamad Kama Piah Che Othman berkata PNB menasarkankan untuk menghabiskan kesemua unit langganan tersebut dalam tempoh terdekat.

"PNB berharap pelabur dapat mengambil kesempatan dan peluang ini untuk melanggan baki unit yang tinggal," katanya pada taklimat mengenai produk terbaharu PNB, Amanah Saham Bumiputera 2 (ASB2).

Produk tersebut bakal dilancarkan oleh Perdana Menteri Datuk Seri Najib Tun Razak pada 2 April.

AS1M, dana berharga tetap dengan saiz dana RM10 bilion unit, dilancarkan pada 31 Julai, 2009.

Ia dibuka kepada seluruh rakyat Malaysia dengan peruntukan 50 peratus untuk Bumiputera, 30 peratus untuk kaum Cina, 15 peratus untuk kaum India dan lima peratus untuk lain-lain kaum.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1025833>